

Das III. Capitel.

Wie man Wasser zu einem Brunnen suchen soll.

Dzwar wol die Erde alle Gewechſſe/ Früchte/ Thiere/ vnd anders herfürbringt/ ſo kan doch deren keines ohne wäſſerige feuchtigkeit wachſſen/ zunemen/ vnd beſtandt haben/ in Summa es muß Waſſer (welches natabilis, lavabilis, vnd potabilis) darbey ſein. Vnd weil man deß Waſſers keines Weges entſrathen/ vnd entperen kan/ vnd man nicht allenthalben Quellbrunnen hat/ ſo kan mans auff ſolche weiſe ſuchen vnd graben wie folget:

Mache eine Grube/ an welchem Ort du wilt/ dreyer Ellen vogen tieff/ darnach nim ein Bleyen Geſchirz/ daß wie eine halbe Kugel geformiert ſey/ vnd hol als eine Rachel/ vnd wenn die Sonne vntergehet/ ſo beſtreich das Geſchirz inwendig mit Del/ nim rein gewaſchene Wolle/ einer fauſt groß/ vnd mache ein kleines Steinlein mitten in die Wolle/ vnd heffte es mit einander in das Bleyerne Geſchirz mit Wachs/ daß es nicht herauß fallen kan/ vnd ſtürze es in die Grube/ alſo/ daß die Wolle mitten im Geſchirz hange/ darnach bedecke daß Geſchirz einer Ellen hoch/ vnd laß es die Nacht ſtehen/ frühe Morgens ehe die Sonne aufgehet/ ſo eröffne daß Geſchirz/ vnd kehre es wieder vmb/ iſt Waſſer am ſelben Ort/ ſo wirſt du Waſſerblaſen finden im Geſeß/ vnd die Wolle voll Waſſer/ iſt denn der feuchtigkeit viel/ daß es auch tröpffnet/ ſo iſt das Waſſer nahe/ ſcheints aber allein feuchte ſein/ ſo iſt voll Waſſer da/ aber es liegt tieff. Findet man aber der Dinge keines/ ſo iſts ein Zeichen/ das man einen andern Ort ſuchen muß.

Ein anders/ ob Erdreich Waſſer habe/ oder nicht.

Grabe eine Grube/ die einer Ellen weit/ vnd dreyer Ellen tieff/ vnd lege einen trucken Schwamm darein/ ein Stunden oder dreyer/ gegen den Mittag/ vnd bedecke ihn mit grünen rohr/ oder mit einem andern weichen Kraut/ wird denn der Schwamm naß/ ſo iſt Waſſer da/ bleibt er aber trucken/ ſo iſt keines da. Wann einer auff eine höhe gehet/